

蕭正楠唔講大話 演渣男有難度

吳若希帶老公出街 被嘲似放狗

■左起：阿蕭、吳若希、賴慰玲、朱敏瀚齊齊跔高腳。

蕭正楠與吳若希於《奔跑吧！勇敢的女人們》飾演夫妻，吳若希透露此劇除了讚揚女性勇敢外，阿蕭亦很大膽出軌，阿蕭笑言：「我肯接呢個角色就真係好勇敢，因為我演渣男，竟然要對一個天真又傻嘅老婆講好衰嘅說話，仲為咗小三要對太太講大話，呢啲對白對我嚟講有難度，所以拍得好唔舒服，多得吳若希係好有反應嘅演員，拍攝嗰陣佢不斷NG同笑，成為我嘅動力！」

眾所周知，阿蕭與黃翠如是恩愛夫妻，現實中是否也不敢向太太講大話？阿蕭坦言與太太是最好的朋友，大家都沒秘密，覺得夫妻之間信任很重要，少少猜疑也會令婚姻蒙上污點。他隨即取笑吳若希現實中是勇敢的女人，因為夠膽鬧老公。

賴慰玲合照遭欺負

吳若希笑言角色與現實的自己很不同：「劇中我極度仰慕老公，老公就係我嘅唯一，但現實中老公只係我一部分。的確拍拖嗰陣會仰慕另一半，但婚後就發覺老公似小朋友，我似多咗個仔，而且已經有咗拍拖嘅感覺，反而老公問過點解唔同佢拍拖，所以今晚有帶老公出嚟。」在旁的阿蕭聽到「帶」字即說：「你講到好似放狗咁！」搞到吳若希笑到面紅。她笑指老公真的很喜歡竊實她，亦是夫妻之間的默契，又爆老公會爭寵，每次她錫佢時，老公即要跟佢錫錫。

另外，賴慰玲跟阿蕭、吳若希和朱敏瀚合照時，遭3人齊齊跔高腳「欺負」！賴慰玲直認因高度問題，被導演要求穿6吋高踭鞋拍攝，她笑言：「其實唔係我矮，只係兩個男仔太高，加上吳若希超過1米70，女仔嚟講算高。」

狗」，笑爆全場！
「即被阿蕭取笑用錯形容詞似「放公借」對子女到場，搞笑是吳若希表示：「今晚有帶老公出儀，前晚出席無綫劇《奔跑吧！勇敢的女人們》的煞科宴，吳若希老蕭正楠、吳若希、賴慰玲與朱敏瀚等聯同監製林璋澄及編審黎倩

■吳若希被兒子如樹熊般攬到實。

水中起舞 雲浩影滲仙氣

雲浩影 (Cloud) 日前推出第二張個人專輯《INTRODUCTION to PAIN》，專輯封面及相集於長洲海灘取景，Cloud的裙襬被海水沾濕後索性除鞋，赤腳跑落水中。她拿起裙襬在水中起舞，興奮得似小孩，散發陣陣仙氣。她覺得以自然狀態演繹最舒服、最能吸引人。團隊隨後移師到小屋內拍攝，Cloud換上多個造型，並用花等道具表達「痛」。她說：「好希望用畫面呈現『痛』，譬如冇橡筋箍耐左嘅勒痕，我背脊都會有花嘅倒影，希望呢啲傷痕會變成燦爛美好嘅事情。」



■雲浩影於海灘拍MV，畫面唯美。

許冠傑憑歌寄意 向張國榮致敬



■梁詠琪是許冠傑最疼錫的契女。

「歌神」許冠傑 (Sam) 一連三場紅館騷前晚圓滿落幕，適逢是張國榮 (哥哥) 離世 21 周年的日子，他專誠為天國的哥哥獻唱一曲致敬。Sam 說：「我特別揀咗一首佢嘅歌送畀佢，希望佢喺天國都聽到，係《有誰共鳴》。」他特別將最後一句歌詞改為「夜闌靜問哥哥可感應」，以歌聲向哥哥傳達思念之情。

當晚表演嘉賓是梁詠琪 (Gigi)，Sam 以最疼錫的契女來形容對方，並一齊唱英文歌《Somewhere Out There》，唱畢後，Sam 提議與 Gigi 多唱一首中文歌，Gigi 說：「不如我哋唱《夜半輕思語》，好唔好？」二人便牽着手合唱。演唱會尾聲，Sam 感觸說：「以下呢首歌真係代表我嘅心聲，因為大家嘅熱情，我先可以站喺舞台，將呢一首《珍惜》送畀大家。」他唱完此歌後繞場一周向觀眾致謝，懷着不捨心情離開舞台。

羅啟豪想跟古淖文學嘢

羅啟豪昨日 40 歲生日，到新城電台宣傳首支個人單曲《相信相信》，大批豪殼 (粉絲暱稱) 一早在電台門外守候，為壽星仔唱生日歌送上祝福。他坦言生日願望是新歌大賣，以及出個人專輯和開演唱會。談到甄妮認為《中年好声音 2》冠軍應該是譚輝智，並指古淖文「油膩誇張」及沒有成長空間，羅啟豪表示：「甄妮姐姐係好有經驗嘅歌手，更加可以有個人見解。無論正面、負面評語，所有歌手都可以吸收後令自己進步。我覺得古淖文表現好，同埋好有演出經驗，我都要向佢學習。」



■羅啟豪獲粉絲到場支持。